

studii & ad onerandam pluribus absurditatibus plus zeli & ingenii afferat, quàm Laudatissimum modò Virum HENRICUM MORUM Cantabrigiensem, peculiari quodam præjudicio abreptum de Principio quodam immateriali per universum mundum diffuso ac intellectu tamen sensuq; destituito, quod Hylarchicum ipse vel Spiritum Naturæ appellat; ideoq; non uno loco Auctariorum nostrorum in parte prima, prout occasio tulisset, vel contra Principium hoc Hylarchicum disputâsemus, vel ad objectiones quasdam Viri Celeberrimi contra nostram hypothesein efformatas respondissemus; ipse verò vicissim in Enchiridii sui Metaphysicorum Operibus cæteris pronuper denuò editi, Scholiis sparsim pariter ad illa nostra vel objecta vel responsa prolixè quædam excepisset; operæ pretium nos facturos existimavimus, si totam hanc controversiam ab ovo, quod ajunt, ad mala usq; quâ par erat fide & industriâ excuteremus, ejusq; statu, eeu loquuntur, ante omninè ritè formato, de argumentis Viri Acutissimi, quibus fluidorum partes alias in alias gravitare negat, & vim elasticam aëris impugnat, videremus, quid eis responderi jure posse imò debere videatur paulò explicatiùs diceremus, tandemq; num veri solidiq; quippiam Ejusdem ad hæc responsa nostra novis exceptionibus subsit, ingenuè libereq; commonstraremus. Sic verò judicare de alienis modestè quidem & candidè licitum nobis dum putavimus, hoc ipso TIBI potestatem eandem in hæc nostra eodem jure concedimus, nihil aliud præter hoc unum exposcentes, ut eodem hoc à TE, quo illud à nobis, animo fiat, nimirum procul omni partium studio, cavillatione, odio & exacerbatione. Vale.

Scribebam Altorf I d. 20.

Decemb, 1684.

Joh. Christoph. Sturmius P. P.

NB. Quo-